

Penerbit UMS

terima Anugerah Industri Buku 2016

UB 18.12.2016 BS

PENERBIT UMS sekali lagi mengharumkan nama Universiti Malaysia Sabah (UMS) di Anugerah Buku Negara 2016 apabila dipilih sebagai penerima Anugerah Industri Buku bagi kategori Buku Perhutanan Terbaik.

Anugerah itu dimenangi melalui buku bertajuk "Wood Species of Sabah: Illustrated Guide" yang ditulis oleh Dr. Liew Kang Chiang, Shirley Bakansing dan Azli Sulid dari Fakulti Sains dan Sumber Alam (FSSA).

Pemilihan dibuat oleh Panel Penilai Profesional Anugerah Buku Negara yang dipengerusikan mantan Ketua 1, Gabungan Persatuan Penulis Nasional (Gapena), Tan Sri Prof. Dr. Abdul Latif Abu Bakar.

Anugerah Buku Negara dianjurkan oleh Yayasan Pembangunan Buku Negara, sebuah organisasi bukan kerajaan (NGO) yang ditubuhkan selaras dengan hasrat kerajaan untuk mengembangkan lagi budaya membaca supaya seluruh

masyarakat Malaysia sentiasa mendepani maklumat, ilmu dan pengetahuan.

Penganjurannya terbuka kepada semua karyawan, penerbit dan penggiat industri buku untuk diberi pengiktirafan dan insentif sewajarnya.

Majlis penyampaian anugerah disempurnakan oleh Timbalan Menteri Pertanian dan Industri Asas Tani, Datuk Seri Tajuddin Abddul Rahman di Dewan Tun Hussien Onn, Pusat Dagangan Dunia Putra (PWTC), Kuala Lumpur pada Rabu.

Majlis Anugerah Buku itu diadakan bersempena dengan Ekspo Buku 1Malaysia pada 14 - 18 Disember 2016 yang dianjurkan oleh Yayasan Pembangunan Buku Negara dengan kerjasama Universiti Kuala Lumpur, Gapena, Dewan Bahasa dan Pustaka (DBP) dan Perpustakaan Negara Malaysia.

BUKU yang menang Anugerah Industri Buku bagi kategori Buku Perhutanan Terbaik.

